

Eksámenbagadus

-eksámenvástádusaid árvoštallama birra

2015

SFS 1007 – SFS 1057 Davvisámegiella vuosttašgiellan, Jo3
Guovddáš ásahuvvon čálalaš eksámen, oahppit ja privatisttat

Eksámenbagadus guovddáš ásahuvvon eksámena árvvoštallamii

Dát eksámenbagadus addá dieđuid guovddáš ásahusain mearriduvvon eksámena birra, ja mo dán eksámena galgá árvvoštallat. Bagadus galgá leat oahpis ohppiide, rávisolbmuide, privatisttaide, oahpaheddjiide ja ovddasteddjiide buori áiggis ovdal eksámena. Sensorat galget geavahit eksámenbagadusa oktasaš referánsarámman iežaset barggus.

1 Guovddáš ásahuvvon sámegeiella vuosttašgiellan eksámena organiseren

Buot oahppit geain lea sámegeiella vuosttašgiellan galget maŋnel Jo 3 studerenráhkkanahatti oahppoprográmma ja lasáhus oppalaš studerengelbbolašvuhtii čađahit čálalaš sámegeiella vuosttašgiellan eksámena. Eksámenáigi lea 5 diimmu, ja ii leat ráhkkananbeaivi.

Eksámenbeaivi 2015 giđa

Sámegeiella vuosttašgiellan: duorastaga miessemánu 28.beaivvi

Eksámenbargobihtát leat čadnojuvvon iešguđetlágan teavsttaide mat leat mielddusin eksámenčoakkáldagas. Ovtastuvvon teavsttat sáhttet leat oassin teakstamateriálas.

Eksámen galgá, jus lea vejolaš, lágiduvvot IKT- bokte.

1.1. Čilgehus mo eksámen lea hábmejuvvon

Eksámenis leat guokte oasi, oanehisvástádusoassi ja guhkesvástádusoassi. Ulbmilin oanehisvástádusain lea ahte eksámen buorebut galgá gokčat fágalaš viidodaga. Nu oažžu oahppi vejolašvuoda čájehit eanet fágagelbbolašvuoda eksámenis

Čálalaš gulahallan ja Giella, kultuvra ja girjjálašvuoda Jo2 ja Jo3 gelbbolašvuodamihttomearit leat bargobihtáid vuodđun. Eksámenbihtát gokčet dušše muhtin gelbbolašvuodamihttomeriid, muhto dattetge sáhttet oahppit čájehit viidát fágagelbbolašvuoda. Sensor galgá álo árvvoštallat vástádusa ollislašvuoda.

Buot bargobihtáide leat kommentárat oktasaš dieđuiguin oahppái ja sensorii. Dieđut muitalit mii vurdojuvvo vástádusas. Ulbmilin lea garvit boasttu ipmárdusaid ja addit ohppiide oadjebasvuoda mo buoremusat čoavdit bargobihtá. Kommentárat galget doaibmat lassidiehtun mihttomeriid olaheami dovdomearkkaide maid gávnnat dán bagadusas.

Oanehisvástádusbargobihtát

Oanehisvástádusbargobihtát lea dávjá čadnon ovttá dahje moatti mielddustekstii, muhto sáhttá maid leat mildosiid haga. Ulbmil lea čájehit fágalaš máhtu. Jus bargobihtát gáibida ahte vástádus galgá hábmejuvvot oktilis teakstan, eai berre vástádusas leat eambo go sullii 250 sáni. Oahppái lea dehálaš ja ávkálaš eksámenráhkaneapmi beassat hárbhallat čállit oanehis vástádusaid fágalaš gažaldagaide dahje čuolmmaide. Ovdamearkkat vuolábealde čájehit makkár sullásaš bargobihtáid oahppi sáhttá oazžut:

- čujuhit retoralaš hástalanvugiid teavsttas
- čállit oanehis informatiiva dahje ákkastalli teavstta mii lea čadnon mielddustekstii dahje muhtin čuoččuhussii
- válddahit ákkastallama oanehis áššeprosateavsttas
- čilget giela iešvuodaid
- selvehit šáŋŋermáhtu ja gielalaš váikkuhangaskaomiid ja čilget makkár doaimma dain lea
- buohtastahttit hámi ja/dahje sisdoalu guovtti oanehis teavsttas
- čájehit makkár váikkuhangaskaomaid geavahuvvojit govvidit ovdamearkka dihte muhtin persovna girjjálašvuodas
- čájehit sáme giela grammatihkalaš iešvuodaid
- geavahit cealkkaanaliisa ja fágatearpmaid gielaide válddaheamis
- identifiseret variašuvnnaid sáme gielain
- selvehit giellahistorjjá, girjjálašvuoda historjjá, juoiganárbevieru ja muitalanárbbi

Guhkesčálusbargobihtát

Guhkesčálusbargobihtát leat čadnon mielddusteavsttaide. Oahppi oazžu golbma dahje njeallje bargobihtá gaskkas válljet ja galgá čállit guhkit oktilis teavstta mas lea čielga ulbmil, buorre struktuvra ha ovttastus. Lea mávssoleabbo ahte oahppi vástádus vástida bargobihtá go dan ahte lea mearriduvvon guhkodat čállošis. Guhkesčállošii galgá oahppi čájehit sihke teakstaipmárdusa ja čállingelbbolašvuoda. Sensor árvvoštallá sihke teavstta hámi, giela ja sisdoalu.

Guhkesčálusbargobihtát leat dávjá mángga oasis. Bargobihtát sáhttá gáibidit ahte oahppi galgá ovdanbuktit fáttá mii lea čadnon ovttá dahje moatti mielddustekstii ja dasto ságaškuššat, kommenteret dahje reflekteret muhtin čuolmmaid ektui teavsttain, dahje analiseret teavstta ja váldit beali árvuoin dahje gažaldagain mat ovdanbohtet teavsttas. Eará bargobihtát addet oahppái vejolašvuoda hábmet teavstta friddjabut ja maiddá sáhttá ieš válljet oaidninguovllu.

Buot bargobihtáide leat kommentárat oktasaš dieđuiguin oahppái ja sensorii. Dieđut muitalit mii vurdojuvvo vástádusas. Ulbmilin lea garvit boasttu ipmárdusaid ja addit ohppiide oadjebasvuoda mo buoremusat čoavdit bargobihtá. Kommentárat galget doaimmat lassidiehtun mihttomeriid olaheami dovdomearkkaide maid gávnnat dán bagadusas.

Olles oahppoplána lea vuodđun čálalaš eksámenii, muhto vuosttažettiin váldoosit Čálalaš gulahallan ja Giella, kultuvra ja girjjálašvuoda Jo 2 ja Jo 3. Eksámenbargobihtát geahččalit unnit osiid gelbbolašvuodamihttomeriin, muhto oahppi vástádus sáhttá liikká čájehit viiddis gelbbolašvuoda fágas. Sensor galgá álohii árvvoštallat vástádusaid obbalašvuoda.

Informatiivva, ákkasteaddji ja resonnerejeaddji teavsttat leat teakstašlájat mat čujuhit mii teavsttaid ulbmil lea. Eksámenii oahppit sáhttet oažžut bargobihtáid mat gáibidit ahte galget

- **informeret** ovdanbuktima, čilgema dahje selveheami bokte muhtin fáttá
- **ákkastallat** nu ahte vuođuštit ja bealuštit oainnuid ja oaiviliid
- **resonneret** ságaškuššama bokte mánggabealis muhtin ášši vai sáhttet oaivvildit juoidá áššis, dahje reflekkeret muhtin fáttá dahje čuolmma hárrái

Dulkon- ja analiisabargobihtáin oahppit galget selvehit teavsttaid hámi ja sisdoalu geavahettiin fágagiela ja reflekkeret teavstta sisdoalu. Ii leat čielga erohus dulkomis ja analiisas. Sihke dulkon ja analiisa gáibida ahte oahppit galget máhttit čájehit ja vuođuštit mo teavstta leat ipmirdan. Bargobihtás sáhtta boahit ovdan ahte oahppit galget buohtastahttit teavsttaid, dahje čájehit ahte teavstta sáhtta bidjat historjjálaš oktavuhtii.

Muhtin guhkesčálusbihtáin gáibiduvvo earenoamážit ahte galget čállit kreatiivvalaš teavstta. Kreatiiva teavsttat lea čoahkkedoaba mánggalágan teakstašlájaid. Sáhtta leat ahte galget muiitalit, resonneret, reflekkeret ja guoimmuhit. Dákkár bargobihtát leat rahpaseappot individuálalaš čovdosiidda go ovdalaš esseija-, novealla- ja koseriijabargobihtát.

Vaikko makkár eksámenbargobihtá šlája oahppit välljejit, sáhttet oahppit čájehit kreativitehta das mo sii geavahit giela, mo strukturerejit teavstta ja makkár perspektiivvas ja oaidninguovllus sii välljejit čállit.

Oahppoplána doahpagat mat geavahuvvojit eksámenbihtáin:

<i>Ovdanbuvtte.....</i>	<i>Ságaškuša...</i>
<i>Selvet.....</i>	<i>Reflekkere...</i>
<i>Čilge.....</i>	<i>Árvvoštala...</i>
<i>Analiisere....</i>	<i>Kommentere...</i>
<i>Dulko...</i>	<i>Geavat dan maid máhtát...</i>
<i>Buohtastahte...</i>	<i>Čále kreatiivvalaš teavstta....</i>
<i>Ákkastala...</i>	<i>Čále resonnerejeaddji teavstta....</i>

2 Veahkkeneavvut

Buot veahkkeneavvuid oažžu geavahit, earret Interneahta ja eará reaidduid maiguin sáhttá gulahallat nuppiiguin. Jorgalanprográmmaid iige oaččo geavahit.

Ávkkálaš veahkkeneavvut sámegeielas leat sátnegirjjit, iežas notáhtat, oahppogirjjit ja eará čálalaš gáldut. Oahpahas galgá oahpaheaddji neavvut ohppiid makkár veahkkeneavvuid gánnáha váldit mielde eksámenii.

3 Gáldogeavaheapmi

Gáldogeavaheapmi galgá leat čorgat ja dárkil ja dainna lágiin almmuhuvvot ahte álkit galgá sáhttit gávdnat daid. Oahppit galget almmuhit čáli ja gáldu ollislaš nama. Li leat gáibádus ahte oahppit galget geavahit gálduid eksámenis. Jus oahppit geavahit gálduid, de galget čájehit ahte máhttet válljet fágadieđuid mat heivejit vástádussii. Jus geavahit fágadieđuid mat eai oba heivege bargobihtá čoavdimii, sáhttá dat njeaidit árvosáni. Sensor sáhttá dárkkistit eksámenvástádusa.

Oahppit eai dárbbas váldit dihto gálduid eksámenii, ja dainna eai leat bargobihtáin sámegieleksámenis gáibádusat gáldogeavaheapmái earret mildosiidda mat leat eksámenčoakkáldagas. Go geavahit gálduid, sii galget čájehit ahte nákkejit válljet gálduid main lea mearkkašupmi oktilisvuhtii. Jus geavahit fágačálloiid mat eai heive bargobihtái, de njiedjá árvosáni.

Váldonjuolggadus lea ahte oahppit galget almmuhit gálduid go vižžet njuolgga dieđuid maid earát leat čállán, ja go refererejit áššiide main sáhttet leat iešguđet lágan oaivilat. Oahppit eai dárbbas almmolaš dieđuid almmuhit.

Oahppit galget sáhttit čujuhit gálduide referánsan váldoteavsttas dahje juolgenohtan, ja ráhkadit girjjálašvuodalistu mas bohtá ovdan makkár gálduid lea geavahan. Joatkkaskuvlla eksámenii lea deháleabbo árvvoštallamis ahte gáldogeavaheapmi lea čorgat ja dárkil go ahte formálalaš gáibádusat leat čuvvojuvvon dárkilit.

4. Eksámenvástádusaid árvvoštallan

Oahppoplánat ja oahpahaslága lánkaásahus leat árvvoštallanbarggu vuodđodokumeanttat. Oahpahaslága lánkaásahus §§ 3-25 ja 4-18 nanne dán:

Eksámen galgá lágiduvvot nu, ahte oahppi/oasseváldi dahje privatista beassá čájehit iežas gelbbolašvuoda fágas. Eksámenárvosátni galgá biddjot individuálalaččat ja čájehit oahppi/ oasseváldi dahje privatistta gelbbolašvuoda nu mo bohtá ovdan eksámenis.

Guokte sensora árvvoštallaba juohke eksámenvástádusa. Lea dat obbalaš gelbbolašvuoha, nu go dat bohtá ovdan eksámenvástádusas, mii lea vuodđun árvvoštallamis. Eksámenis addojuvvo okta árvosátni. Jus sensor gávnaha ahte oassi vástádusas dahje olles vástádus lea kopijja maid earát leat buvttadan, vástádus árvvoštallojuvvo vuolimus árvosátnái.

4.1 Árvosánit

Láhkaásahusas leat oppalaš árvosátnečilgehusat, mat gusket vuodđooahpahussii (§ 3-4 ja 4-4)

- a) Árvosátni 6 ovdanbuktá ahte oahppis lea erenoamáš buorre gelbbolašvuohta fágas.
- b) Árvosátni 5 ovdanbuktá ahte oahppis lea hui buorre gelbbolašvuohta fágas.
- c) Árvosátni 4 ovdanbuktá ahte oahppis lea buorre gelbbolašvuohta fágas.
- d) Árvosátni 3 ovdanbuktá ahte oahppis lea oalle buorre gelbbolašvuohta fágas.
- e) Árvosátni 2 ovdanbuktá ahte oahppis lea unnán gelbbolašvuohta fágas.
- f) Árvosátni 1 ovdanbuktá ahte oahppis lea erenoamáš unnán gelbbolašvuohta fágas.

Mihttomeriid olaheami dovdomearkkat dán bagadusas čilgejit oahppi gelbbolašvuođa golmma dásis. Dat galgá addit oktasaš ipmárdusa ja vuoiggalaš árvvoštallama. Ollislaččat galget dovdomearkkat válddahit vástádusa fágalaš dási.

4.2 Árvvoštallan- eksámen sámegiella vuosttašgiellan

Lea ollislaš gelbbolašvuohta maid oahppi čájeha vástádusas mii lea vuodđun árvvoštallamii, ja addojuvvo okta árvosátni mii lea oktasaš sihke oanehis- ja guhkesčállosii. Jus sensureremis fuomášuvvo ahte oasit dahje olles vástádus lea kopijja earáid bargguin de addo das vuolimus árvosátni.

Mihttomeriid olaheami dovdomearkkat sámeigiella vuosttašgiellan čálalaš eksámenii


Jo 3 studerenráhkkanahtti ja lasáhus oppalaš studerengelbbolašvuhtii

	Árvosátni 2 Eksámenvástádus	Árvosátni 3 – 4 Eksámenvástádus	Árvosátni 5 – 6 Eksámenvástádus
Obba- laččat	<p>lea eaŋkilis/ muhtin muddui relevánta vástádus oanehisvástádusoassái</p> <p>lea eaŋkilis/ muhtin muddui relevánta vástádus guhkesvástádusoassái</p> <p>čájeha ahte lea muhtin muddui ipmirdan ja geavahan mielddusteavsttaid</p> <p>lea eaŋkilit hábmejuvvon</p>	<p>lea buori muddui relevánta vástádus oanehisvástádusoassái</p> <p>lea buori muddui relevánta vástádus guhkesvástádusoassái</p> <p>čájeha ahte lea ipmirdan ja geavahan mielddusteavsttaid</p> <p>lea čielgasit hábmejuvvon, buriin ja ulbmillaš sátneriggodagain</p>	<p>lea dárkilis ja relevánta vástádus oanehisvástádusoassái</p> <p>lea vuđolaš ja relevánta vástádus guhkesvástádusoassái</p> <p>čájeha ahte lea ipmirdan ja geavahan mielddusteavsttaid iešheanalaččat</p> <p>lea čielgasit ja dárkilit hábmejuvvon, ulbmillaš ja girjás sátneriggodagain</p>
Giella ja formálalaš gálggat:	<p>čájeha ahte lea muhtin muddui čanastus gaskkal cealkagiid ja teakstaosiid</p> <p>čájeha ahte hálddaša muhtin muddui hábmennjuolggadusaid</p> <p>čájeha ahte hálddaša muhtin muddui ortografiija ja gaskamearkkaid</p> <p>earuha gaskkal sitáhta ja iežas buktaga ja čujuha gállduide</p>	<p>čájeha ahte lea oalle buorre/ buorre čanastus gaskkal cealkagiid ja teakstaosiid</p> <p>čájeha ahte hálddaša hábmennjuolggadusaid buori muddui</p> <p>čájeha ahte hálddaša buori muddui ortografiija ja gaskamearkkaid</p> <p>čalmmustahttá sitáhta ja čujuha čorgadit gállduide</p>	<p>čájeha ahte lea hui buorre čanastus gaskkal cealkagiid ja teakstaosiid, ja lea girjás giella</p> <p>čájeha ahte hálddaša hábmennjuolggadusaid</p> <p>čájeha ahte hálddaša ortografiija ja gaskamearkkaid</p> <p>čalmmustahttá sitáhta ja čujuha gállduide čorgadit ja dárkilit</p>
Oanehis- vástádus:	<p>lea muhtin muddui čanastus ja eaŋkilis struktuvra</p> <p>selveha fágalaš fáttáid, kommentere dahje ákkastallá eaŋkilit</p> <p>vuhtto ahte vuodđogiella báidná jorgaluvvon giella, sihke sánis sátnái jorgaleami ja sátnortnega dáfus</p> <p>čujuha muhtin mihtilmasvuodáide teavsttain</p> <p>geavaha eaŋkilis fágagiela</p>	<p>lea temáhtalaš čanastus ja ulbmillaš struktuvra</p> <p>selveha fágalaš fáttáid, kommentere dahje ákkastallá oalle čorgadit/ čorgadit</p> <p>jorgala ja heiveha teavstta buori muddui lunddolaš giellan</p> <p>selveha mihtilmasvuodáide teavsttain</p> <p>geavaha ulbmillaš fágagiela</p>	<p>lea temáhtalaš čanastus ja čielga, ulbmillaš struktuvra</p> <p>selveha fágalaš fáttáid, kommentere dahje ákkastallá čorgadit ja dárkilit</p> <p>jorgala ja heiveha teavstta vuogas, lunddolaš ja njuovžlils giellan</p> <p>selveha dárkilit mihtilmasvuodáide teavsttain</p> <p>geavaha dárkilis ja ulbmillaš fágagiela</p>

<p>Informa- tiiva, ákkastalli ja resonnere- jeaddji teavsttat</p>	<p>lea muhtin muddui temáhtalaš čanastus ja eaŋkilis struktuvra</p> <p>selveha fágalaš fáttáid eaŋkilit</p> <p>bájuha muhtin muddui váldooainnu</p> <p>ákkastallá muhtin muddui</p> <p>resonnere eaŋkilit</p> <p>leat muhtin ovdamearkkat ja/ dahje momeanttat mielde</p> <p>leat muhtin čoahkkáigeasut dahje eaŋkilis loahppaárvalusat</p> <p>čájeha veaháš refleškuvnna</p> <p>geavaha gálduid muhtin muddui relevánta vugiin (jus geavaha)</p>	<p>lea temáhtalaš čanastus ja ulbmillaš struktuvra</p> <p>selveha fágalaš fáttáid buori muddui čorges vugiin</p> <p>hámuha váldooainnu</p> <p>ákkastallá áššálaččat</p> <p>resonnere čielgasit, nákke ságaškuššat fáttá čorges vugiin</p> <p>leat áššáigullelaš ovdamearkkat ja / dahje momeanttat mielde</p> <p>hábmme čoahkkáigeasuid dahje loahppaárvalusaid</p> <p>lea oalle buorre dahje buorre refleškuvdnadássi</p> <p>geavaha gálduid relevánta ja dárkkistahtti vugiin (jus geavaha)</p>	<p>lea čielga temáhtalaš čanastus, ulbmillaš ja buorre struktuvra</p> <p>selveha fágalaš fáttáid relevánta, čalmmus ja čorges vugiin</p> <p>hámuha váldooainnu čielgasit ja dárkkilit</p> <p>ákkastallá áššálaččat, viidát ja iešheanalaččat</p> <p>resonnere čielgasit, nákke ságaškuššat fáttá áššálaččat ja mánggabealas</p> <p>leat mielde áššáigullelaš ovdamearkkat ja/ dahje momeanttat main lea buorre viidodat</p> <p>hábmme aiddostahtti čoahkkái - geasuid dahje loahppaárvalusaid</p> <p>lea allá refleškuvdnadássi, čájeha iešheanalašvuoda</p> <p>geavaha gálduid kritihkalaččat, dárkkistahtti vugiin ja iešheanalaččat (jus geavaha)</p>
<p>Analiisat, dulkomat ja buohta- stahttimat</p>	<p>lea struktuvra mii muhtin muddui heive ulbmilii ja fáddái</p> <p>čujuha muhtin váikkuhangaskaomiide teavsttas</p> <p>čujuha muhtin beliid ákkastallamis ja hastalanvugiid geavaheami</p> <p>čujuha muhtin beliide temás/aigumušas/váldooainnu</p> <p>reflektere teavsttaid hárrái eaŋkilis vugiin</p> <p>leat muhtin árvvoštallamat</p> <p>buohtastahtta muhtin beliid teavsttain</p> <p>geavaha eaŋkilis fágagiela</p> <p>dovdá veaháš gielalaš/kulturhistorjjálaš oktavuoda</p> <p>geavaha gálduid muhtin muddui relevánta vugiin (jus geavaha)</p>	<p>lea struktuvra mii heive ulbmilii ja fáddái</p> <p>selveha muhtin váikkuhangaskaomiid ja čájeha muhtin muddui mo dat doibmet teavsttas</p> <p>selveha ákkasteami váldooainnu ja hástalanvugiid geavaheami</p> <p>selveha temá/aigumuša/váldooainnu</p> <p>reflektere teavsttaid hárrái fágalaš áššálaš vugiin</p> <p>leat árvvoštallamat ja vuođuštuvvon oaivilat</p> <p>buohtastahtta teavsttaid čorgadit</p> <p>geavaha relevánta fágagiela</p> <p>bidjá teavstta gielalaš/kulturhistorjjálaš oktavuhtii</p> <p>geavaha gálduid relevánta ja dárkkistahtti vugiin (jus geavaha)</p>	<p>lea iesheanalaš hápmi, ja lea struktuvra mii heive ulbmilii ja fáddái</p> <p>selveha ja árvvoštallá váikkuhangaskaomiid ja čájeha mo dat doibmet teavsttas</p> <p>selveha čielgasit ákkasteami, hástalanvugiid geavaheami ja daid doaimma</p> <p>selveha čielgasit temá/aigumuša/váldooainnu</p> <p>reflektere teavsttaid hárrái fágalaš áššáigullelaš ja iešheanalaččat</p> <p>leat iešheanalaš árvvoštallamat ja vuođuštuvvon oaivilat</p> <p>buohtastahtta teavsttaid girjás vugiin</p> <p>geavaha dárkilis ja relevánta fágagiela</p> <p>bidjá teavstta čorgadit gielalaš/ kulturhistorjjálaš oktavuhtii</p> <p>geavaha gálduid kritihkalaččat, dárkkistahtti vugiin ja iešheanalaččat (jus geavaha)</p>

Kreatiiva teavsttat:	lea struktuvra mii buori muddui heive ulbmilii ja fáddái geavaha muhtin earjkilis gielalaš váikkuhangaskaomiid čájeha veaháš gielalaš hutkáivuoda čájeha ahte lea válljen muhtin ovdamearkkaid ja /dahje oaidninguovlluid čájeha muhtin muiddui gielalaš/ kulturhistorjjálaš máhtu (jus lea relevánta) geavaha muhtin muddui mielddusteavsttaid	lea struktuvra mii heive ulbmilii ja fáddái geavaha gielalaš váikkuhangaskaomiid dihtomielalaččat čájeha gielalaš hutkáivuoda čájeha hutkáivuoda ovdamearkkaiguin ja/ dahje oaidninguovlluin čujuha ja geavaha gielalaš/ kulturhistorjjálaš máhtu (jus lea relevánta) geavaha mielddusteavsttaid iešheanalaččat	lea iesheanalaš hápmi, ja lea struktuvra mii heive ulbmilii ja fáddái geavaha váikkuhangaskaomiid dihtomielalaččat ja suokkardeami vugiin čájeha gielalaš hutkáivuoda ja lea persuvnnalaš giella čájeha hutkáivuoda ja origináliehta ovdamearkkaiguin ja / dahje oaidninguovlluin čujuha ja reflektere gielalaš/ kulturhistorjjálaš máhtu hárrái (jus lea relevánta) geavaha mielddusteavsttaid kreatiivvalaččat ja iešheanalaččat
Ollislaš árvoštallan	Ollislaččat čájeha oahppi vástádus vuollegaš gelbbolašvuoda fágas	Ollislaččat čájeha oahppi vástádus oalle buori gelbbolašvuoda fágas dahje buori gelbbolašvuoda fágas	Ollislaččat čájeha oahppi vástádus hui buori gelbbolašvuoda fágas dahje erenomáš buori gelbbolašvuoda fágas

Árvosátni 1 báhkoda ahte vástádusas lea hui vuollegis gelbbolašvuoda fágas, dahje ahte oahppi oppalaččat vástida áibbas eará go dan mii jerrojuvvo bargobihtás



Schweigaards gate 15
Postboks 9359 Grønland
0135 OSLO
Telefon 23 30 12 00
www.utdanningsdirektoratet.no